

# Triinngf dur Tufnif

von

Hermann Overländer, Dinslaken



Wat min Ohm Hein wor, dä soht all sin Leven so voll Streek, wie dä Bock voll Köttel. In sine jonge Johre wor heij in Denslaken bej de Bahn. Enes Dags, heij hat gerad met sine Schumläpel den Zog no Wesel afgeferdigt — do schmet öm dä Schaffner üt den fahrenden Zog en feinen Pelz tu, dä in den Zog legengebleven worr. Ohme Hein geng in sin Amtszimmer on lag dä Pälz op sinen Desch achtern Berg van Büker. Heij satt sine roje Kapp af on woll sech gerad sine Piep anstäken, as en paar jonge, nette Fraulij in sine Bude stürmtten. „Verzeihen Sie, Herr Amtsvorsteher“, säd die eene, „ich habe in dem soeben abgefahrenen Zug meinen Pelz liegen lassen“. „Dat ös schlemm“, säd min Ohmen. „Äver sone nette Mädjes mot eck well helpen.“ Heij geng an't Telefon on dej so, as wenn heij met de Station in Wesel sprok. „Der Pels ist bereits in Wesel angekommen“, sag heij no en Ogenbleck för die Fräuleins. Die Dernes woren för Freud üt Hüsken. „Soll ich Ihren Pelz telegraphisch kommen lassen?“ frogten heij die Mädjes. „Wenn das geht“, wor die Antwort. Ohm Hein geng an den Desch, wo dä Telegraphenkaß stohn on teckten en paar mol op die Morsetasten. No en Ogenbleck nohm heij den Pelz achter die Büker weg on säd: „Hier ist Ihr Pelz!“ Die jongen Denger komen üt öhre Verwonderung nit herüt. Am lievsten hadden sej Ohmen Hein onder den Schnorbart gekettelt. Äver Ohmen Hein wenkten af. Heij woß ok niet, of sowat in sine Dienstvorschrift tugeloten wor.

Äver ons häd heij dökers vertellt, dat die jongen Mädjes, as sej de Pelz weerhadden, sech beij öm bedankten und sagden: „Nein, nein, was ist unsere Technik doch heute weit fortgeschritten!“